

无上内秘真藏經卷之九

洪十六

明行品

爾時真藏童子於大眾中序序雅安往詣天尊
 尊諸請問道為衆決疑不審下方所有外道
 衆生甚難教化不信正真無上大道云何誘
 引今得信向又云我所說者文字分明世所
 希有干忤大乘自是為實復有諸鬼神祇
 魔惑正不識大道復有小乘行者計功立位
 不信真經虛玄寂靜復有下根衆生聞而誹
 謗云何化度天尊所云无大不包无細不入
 法性平等何故迴向不同諸法差別衆中疑
 惑所照不深願為隨根顯令悟解
 天尊曰汝等徒衆諦聽善思當為汝說天高
 地卑等無差別丘山河海等無差別一切雜
 類等無差別三清境界下土衆生等無差別
 邪言惑正等無差別衆生經教等無差別一
 切諸法為大空本無等為若受虛無名行
 邪道亦名謗法不名迴向若信大乘乘小乘
 行是行邪道亦名謗法不名迴向若信小乘
 乘大乘行是行邪道亦名謗法不名迴向若

受衆生法於三惑是行邪道亦名謗法不名
 迴向若有衆生不信大乘是行邪道亦名謗
 法不名迴向若有衆生不信經教是行邪道
 亦名謗法不名迴向若有衆生說人短長是
 行邪道亦名謗法不名迴向如是謗法有深
 有淺若受塵累煩惱未盡不見道源若信大
 乘乘小乘行心源不明貪善無已若信小乘
 非大乘行取捨不停心闇多惑若受衆生法
 於三惑有心求念念無已若有衆生不信
 大乘迷途顛倒失孝慈母若有衆生不信經
 教愚癡閉塞不聞法音若有衆生說人長短
 自揚己善貪愛在懷罪業深重終劫說之亦
 不能盡又問邪正衆生信行不等行邪道者
 是名謗法行正道者為是謗法為非謗法又
 云道本虛寂若虛寂為道者衆生誹法亦是
 虛寂而為道本云何名為謗法若非道本名
 為邪行行正道者亦是邪行名為謗法何以
 故衆生即是道體行善不同云何即有差別
 若有差別邪正不同衆生即非道體邪正皆
 為謗法云何天尊勸行正道天尊曰何故復

作如是疑邪正共同一根解脫由是一門雖
 同一體非無二源何以故行邪道者顛倒競
 起煩惱纏懷則乖正道行正道者無待無對
 無寂無滅假名寂滅衆生取捨有待有對妄
 生為有即是待對生死業對報應善對善惡
 業對輪轉業對業報無極邪緣不絕又問道
 生萬物即是萬物之母與衆生顛倒與衆
 生分別與衆生妄想與衆生邪見與衆生取
 捨與衆生輪轉與衆生業報種種云為皆是
 道與若如是者則無善惡可故有衆生顛倒
 差別若有顛倒差別者天尊所說大乘無人
 無我無大無小無高無下無長無短無五常
 行無六識轉如是說者則是謗法誑惑衆生
 天尊含笑應諸十方各見天尊一時含笑諸
 天境界亦復如然雜類衆生皆歡樂真藏
 等衆歡未曾有微妙第一雖知道妙猶不盡
 其妙源不審妙道難窮未知衆生是妙道不
 若是妙道則無衆生既有衆生則無妙道四
 衆皆疑
 天尊曰妙法無妙云何有衆生可顯又問無

衆生可顯云何天尊說法誘引若有誘引則有衆生云何說云無衆生相信心衆生不達法性猶自有疑況諸衆生寧得信乎唯願天尊隨根曉示

天尊曰我說一字舒善十方一切法界沙塵之數盡然顯了汝等徒衆難悟難聞衆生一相二行而行之一相衆生一相三行而行之一相衆生一相四行而行之一相衆生一相五行而行之一相衆生一相六行而行之一相衆生一相七行而行之一相衆生一相八行而行之一相衆生一相九行而行之一相衆生一相十行而行之相如是行行達了慧源悉皆解脫名爲上衆名爲上樂到靈解山不生不滅復次非心不心亦不心非色不色亦不色非我非我亦不我非緣不緣亦不緣非慮不慮亦不慮如是行行道眼清淨故具足一切無量功德智慧成就到靈解山常住安樂樂生三業煩惱益纏正性不顯倒惑甚深種種譬論不自覺知何謂三業一者貪愛思慮

百端計劃無已貪性一發遂惑迷迷六情馳騁不可制御自乖行戒二者瞋恚忿發外觸動情瞋恨無已自乖定行三者癡闇冥冥不曉五情纏繞惡業相連億劫無已自乖慧解此三業受能滅道種復此三業行能種道果何以故一者捨離世間心棲域外行業過通斷貪心種直至道場名大乘戒二者諸行無深不受不觸慈愛衆生歡喜無量善根解脫名大乘定三者達了衆生五情六觸煩惱業緣顯發無礙逕入道場名大乘慧復次諸善男子此三業者惑成惑敗皆由心發一切諸法心則爲本善否由心不在內亦不在外不近不遠不處不妙無大無小無長無短不圓不方善否自在爲惡業者業報立至過去亦縛未來亦縛見在亦縛沙塵劫數悉是寬家斷諸道種爲善業者道果立至過去亦解未來亦解見在亦解沙塵劫數悉是善因斷諸惡種又問心既非內非外非長非短非大非小絕無有相亦無非相云何善惡立至善至則解惡至則縛唯願天尊慈悲見念衆得

明了

天尊曰譬如鏡像像形分明如言有者取而不得如言無者像見分明當知非有非無妍醜立見前心後心心相續雖無相貌善惡則由分別二見誹謗是非毀善譽惡皆是心作名爲凡夫在得失中以失爲失行人修行照本實情無分別相無善惡相無人我相不名凡夫在真實中以得爲得略說心行得失要殊况諸凡計千差萬別殊難萬途得之者一又聞得一之時爲是一邪爲非一邪若有

一者應有二法若一非一一無所得云何得

天尊曰猶如足守非一非二非縛非解非空非不空所言得一者證虛空理證無所正名爲得一不壞諸法名虛空相虛空之相是名道體亦名功德如是廣說功德因緣無邊衆真藏等衆稽首散問本迹二途云何有二爲本中有迹爲迹中有本若本中有迹有迹應無有本若迹中有本有本應無有迹譬如空有有有無空有無空有云何一時顯其本迹

天尊曰實無二義開方便明即迹是本本無有迹無迹無本名為真本一切諸法不離本故故名諸法諸法性離故名道本心水澄清見真實本非真非假了了分明真藏等衆名悟大乘歡喜無已而說詞言

大乘無虛假 廣布於天人 利益無邊衆
非果亦非因 衆生聞悉悟 自然解脫身
我等勤精進 積劫勞苦辛 三業定慧本
文字裏追尋 凡夫迷日久 分別失天津
天尊往往說 方便度衆生 三業各各受
法內有天經 因果微妙相 遂成功德林
我等諸徒衆 未曾聞此音 應更諸國土
物類盡歡欣 實功不可測 心見實難陳
寄語悠悠子 努力尋道真 世間非非實
離相得遊神 真藏功德力 破惑慳貪嘆
四衆皆歡樂 證法盡方圓
爾時真藏童子及諸四衆說是偈已歡喜天
尊功德方便說微妙法廣度衆生潛功不牢
敢問衆生差殊諸行不等根機淺深云何天
尊說言是字未審衆生是是字不若是是字

根機應等應悉悟解若非是字天尊說之有
何利益唯願天尊不簡雜言隨緣為說
天尊答言我說足字諸法共之一切衆生皆
是是字悉皆平等雖復千差萬類無非畢竟
凡夫迷惑不自覺知教迹漸多方便誘說下

根衆生為說有法親相生喜中相衆生為說
空有若聞空有即生信向上根衆生為說非
空非有亦空亦有非非空非非有聞此說者
虛心了悟說雖不同隨緣布德皆是是字應
病與藥悟是字者無言無教若病不眠藥者
終無差換衆生不信大乘終無悟解是故此
經能破衆生煩惱無明障能渡衆生離苦
垢塵能調衆生生死苦惱能令衆生妻子安
樂能令衆生孝事君父能令衆生長命富貴
能令衆生得金剛力能令衆生甚多智慧能
令衆生慈愛孝順能令衆生不生怖畏能令
衆生得法自在能令衆生不生不滅此經功
德力重非可譬論得其邊際又問三乘經教
隨化三根稱機布德不審愚癡最下衆生不
解布施不識人權云何化度

天尊答言雖指三乘化途無量若能信心恭
敬備花供養抄寫受持功德甚重亦不可量
用此捨施功德百千萬分不及其一又問若
能如是受持供養者則是上根智慧之士不
名愚癡衆生四座顯顯祛疑未了

天尊又言有耳有目者悉可提攜非止三乘
種種方便愚蒙本性悉在靈解迴向即至此
經深妙為衆經第一先示餘行斷截外魔外
魔消滅內行調伏城壘堅固衆賊永斷功德
裝嚴具足圓滿一切種智自在解脫十方天
尊得一切智慧解無方到靈解山成無上道
究竟清淨斷諸漏道一切諸法皆為實相一
切煩惱皆為種智是行人行處是功德本汝
等四衆證微妙身入祕密藏出離生死入五
濁中化度衆生隨三業行示方便惠所以爾
者十方大聖證入妙身皆是煩惱內發不由
外來自然微妙無形無相復次一切諸法非
造作法非生滅法非昔有法非今無法湛寂
自然與天尊合德一切衆生聞如是語反生
謗心便更起惑雖然要在逆俗功德甚深利

0.20.11.10.11

益廣速復次正行修通離一切相印無生理
 虛妄自斷與道為一不生不滅無去無來何
 以故妙道寂滅故寂滅能生滅能生去來
 能生動轉能生業行一切諸法悉能生有
 育之法相好不同惑優游自在感常生苦惱
 感處富貴感居貧賤感娶谷婢約或形貌醜
 陋子差薦別種類不同皆是妙道寂滅無為
 凡夫不能解了自生顛倒
 天尊爾時欲顯大乘真藏妙典說偈頌曰
 本體不生滅 法相自玄通 諸受常清淨
 無為性自空 十方天尊德 衆生等共同
 法等感恭敬 修行立大功 五廢香園宅
 宵然無始終 三業戒定慧 無去亦無來
 道相不可測 示見無不該 我說方便慧
 妙法絕三才 顯揚功德本 世多是瓊胎
 能修無上道 六識自然開 悟法端正慧
 三毒靡不迴 於法得自在 萬劫不違災
 衆生長苦夜 不覺年命摧 轉輪無窮極
 欲樂不知哀 歡法愚癡輩 不信大乘經
 毒離真父母 習惡爲因緣 不違善知識

無由作福田 能行此經者 悟解諸法前
 爾時天尊說此偈已讚揚功德顯諸法相示
 大乘經無大不包無細不入度諸衆生令入
 法寶一切衆生善知識等勤行精進習讀此
 經此經功德最大爲諸法本爲法舟航爲法
 梯橙能疾能速能救諸病爲大醫王種種救
 治隨病與藥無不差愈汝等徒衆廣化衆緣
 觀其業趣勿生機宜得性順從夫性違度得
 性恬愉失性憂惱又問不審恬愉之性云何
 修行
 天尊答言五常之行皆悉恬愉實無相勉衆
 生顛倒貪欲取捨失恬愉行皆悉相勉情深
 外塵失恬愉行名爲相勉五陰不通失恬愉
 行名爲相勉能行布施名爲恬愉能行持戒
 名爲恬愉能行智慧名爲恬愉能行讀誦名
 爲恬愉能行書寫名爲恬愉能行供養名爲
 恬愉能行受持名爲恬愉能行講說名爲恬
 愉能行觀行名爲恬愉能行遠離名爲恬愉
 我說布施非布施名爲恬愉我說持戒非持
 戒名爲恬愉我說智慧非智慧名爲恬愉我

說讀誦非讀誦名爲恬愉我說書寫非書寫
 名爲恬愉我說供養非供養名爲恬愉我說
 講說非講說名爲恬愉我說諸行非諸行名
 爲恬愉我說諸法非諸法名爲恬愉我說修
 道非修道名爲恬愉我說一二非一二名爲
 恬愉我說真藏非真藏名爲恬愉我說本性
 非本性名爲恬愉我說譬論非譬論名爲恬
 愉我說小乘非小乘名爲恬愉我說大乘非
 大乘名爲恬愉恬愉之行非大非小非長非
 短非廣非狹非去非來亦非色相亦非聲相
 亦非觸相又問恬愉之體是道體否
 天尊答言一切諸法皆是道體一切諸法皆
 是恬愉雖有二名而爲一體我說一體非一
 體名爲一體善男女等勿取文字勿著語言
 文字性離離相修行言語道斷斷相修行心
 識處滅滅相修行五廢性空空相修行三業
 性淨淨相修行六識常住住相修行四大常
 通通相修行能如是行功德廣博濟無邊衆
 度生死海到靈解山神通自在爾時真藏童
 子及諸四衆稽首讚歎善哉善哉天尊深智

聞顯大乘微妙之義我等徒眾各悟心源哀
念深遠冥功濟度非是二乘之所能知又於
諸法相中顯大慧源成無上道被諸來生悉
令易悟大乘平等一切相不偏不黨授與
能行無賤無貴當知天尊為眾生父母為眾
生橋梁廣施布教開決耳目紹隆三寶輪轉
無極我等徒眾各發大意宣揚妙法示來眾
生今聞正法得正法已父子妻孥安樂無已
天尊又曰此經從無量劫來不終不壞度人
無量終劫說之亦不能盡得道之人相專不
絕要須此經而待道果若無此經終無有是
此經神驗疾於影響若在急難讀此經難
即消滅自然擁護昔有玉印童子燒香供養
讀誦此經忽有仙童玉女遍滿虛空一時來
至燒反風名香讚誦靈文驚動一國王印童
子安然不恐遂無輟音真藏等眾寂默無言
稽首而去

无上内秘真藏經卷之九

无上内秘真藏經卷之十

洪七

究竟品

爾時天尊領諸徒眾在靈解山顯揚功德无
量國土皆受慧潤无量眾生悉得度脫无量
法界並悉聞知无量小乘皆得悟解无量真
仙能顯功德无量眷屬能受持經无量童子
能說真藏无量上士能體大乘无量中士能
行供養无量下士能生信心无量師子衛護
法城无量金剛斷邪魔惑爾時天尊放慧光
明遍照東方无量國土各隨形類而得受潤
見此神變尋光而來不動本國而觀天尊稽
首无上尊稽首无上法歸依无上師又照南
方无量國土各隨形類而得受潤見此神變
尋光而來不動本國而觀天尊稽首无上尊
稽首无上法歸依无上師又照西方无量國
土各隨形類而得受潤見此神變尋光而來
不動本國而觀天尊稽首无上尊稽首无上
法歸依无上師又照北方无量國土各隨形
類而得受潤見此神變尋光而來不動本國
而觀天尊稽首无上尊稽首无上法歸依无

上師又照上方无量諸天各隨形類而得受
潤見此神變尋光而來不動分度而觀天尊
稽首无上尊稽首无上法歸依无上師又照
下方无極世界各隨形類而得受潤見此神
變尋光而來不動本所而觀天尊稽首无上
尊稽首无上法歸依无上師又照地獄幽徒
楚痛各隨業報而得解脫見此神變尋光而
出不動其所而觀天尊稽首无上尊稽首无
上法歸依无上師
爾時天尊告諸來者吾為汝等稽居幻中安
生業縛生死憂惱不能悟解又有諸仙行小
乘行雖得長年終飯變易何以故業受累故
汝今迴向皈命大乘諦聽善惡吾為汝說我
發神光遍照十方无量國土汝等各見神光
殊妙希有第一不識所由此光非外非内非
青非白非赤非黑脫諸色像而得自在汝等
各有此光非近非遠變見在物能為五聲非
五聲能為五色非五色能為五味非五味能
為物像非物像能為智慧非智慧能為解脫
非解脫能為微妙非微妙能為清淨非清淨